

Advokatnævni aamma immikkoortortani siulersuisut advokaatit il.il. pillugit naammagittaalliuutinik suliarinnittarnerat pillugit nalunaarut

Eqqartuussisarneq pillugu inatsimmi § 144, imm. 4, aamma § 145, imm. 2 naapertorlugit, tak. inatsimmik nalunaarut nr. 1261, 23. oktober 2007-imeersoq, aalajangersarneqarpoq:

Kapitali 1

Advokatnævni

§ 1. Advokatnævni suliasaraa advokatit ileqqoq pitsaasoq (unioqqutitsisimaneq pillugu suliat), advokatip sumiginnaasimaneq pillugu naammagittaalliuutit, advokatip suliaminut aningaasarsiatat piumasaqaatigisimasaanut (aningaasarsiat pillugit naammagittaalliuutit) tunngatillugu naammagittaalliuutit, eqqartuussisarnermi inatsimmi § 147 f malillugu pinngitsuutitaanerup atorunnaarsinneqarnera pillugu suliamik suliarinninnissaq.

Imm. 2. Nalunaarummi uani malittarisassat taamatuttaaq atorneqassapput advokatselskabit pillugit naammagittaalliuutini aamma inuit eqqartuussisarneq pillugu § 124, imm. 3, nr. 2-mi taaneqartut taamatullu advokatselskabimi aktianik imaluunniit piginneqataassutsinik pigisaqartut pillugit naammagittaalliuutit.

§ 2. Advokatnævni ataatsimoorluni imaluunniit immikkoortorta qarfikkaarumik suliaqarsinnaavoq.

Imm. 2. Immikkoortorta qarfiit tamarmik immikkut 7-inik ilaasorta qarput.

§ 3. Aalajangiisartut ataatsimoortut aamma immikkoortorta qarfiit akornanni suliasat Advokatnævni siulittaasuata agguataartassavai.

Imm. 2. Suliat pissusimikkut aatsaat siullerpaamik suliarineqartussat, suliat, eqqartuussisarnermi inatsimmi § 147 c, imm. 3 imaluunniit 4 malillugit pinngitsuutinneqarneq pillugu apeqquserneqarsinnaasut aamma eqqartuussisarnermi inatsimmi § 147 f malillugu pinngitsuutinneqarnerup atorunnaarsinnissaa pillugu suliat aalajangiisartunit ataatsimoortunit sapinngisamik annertunerpaamik suliarineqartassapput.

§ 4. Ilaasortat ikinnerpaamik 11-t peqataagaangata Advokatnævni ataatsimoortoq aalajangiisinaassuseqartarpoq, taakkunannga siulittaasoqarfimmi ilaasortaq ataaseq (1), Advokatnævni ilaasortat tallimat (5) justitsministerimit toqqarneqartut, aammalu ilaasortat tallimat (5) Advokatsamfundimit toqqarneqarsimasut.

Imm. 2. Immikkoortorta qarfik aalajangiisinaassuseqartarpoq, ikinnerpaamik ilaasortat imaluunniit sinnisussat pingasut (3) najuutsillugit, taakkunannga siulittaasoqarfimmi ilaasortaq ataaseq (1), Advokatnævni ilaasortaq ataaseq (1), justitsministerimit toqqarneqarsimasooq ilaasortaq ataaseq (1) Advokatsamfundimit toqqarneqarsimasooq.

Imm. 3. Siulittaasup pineqartup aalajangissavaa, ilaasortap ataatsip peqataanninnissaani sinniisussaq aggersarneqassanersoq.

§ 5. Advokatnævni naluarnutiginiaqqat qarasaasiakku nassiunneqarsinnaapput. Naluarnutiginiaqqat qarasaasiakkuortumik atsiorneqarsimassaaq.

§ 6. Advokatnævni suleriaasissaq aalajangersassavaa, ilaatigut pineqarput suliamik suliarinninnissamut alloriarnissat pillugit killiliussat erseqqinnerusut aamma piffissaq suliamik suliarinninnissap ataatsimut isigalugu qanoq sivisussuseqartariaqarneranik siunertaq.

§ 7. Advokatnævni suliani pillugu ukiumoortumik naluarnusiani justitsministerimut tunniutassavaa. Aalangiisartut naluarnutertik nittartagartik aqutugalugu tamanut ammasumik naluarnutiginisassavaat.

Kapitali 2

Siulersuisut

§ 8. Advokatnævni immikkoortortaqarfiisa siulersuisui (kredsbestyrelserne) advokatit pillugit naammagittaalliuutit suliarineqarneranni Advokatnævni ikiortarsinnaavaat.

§ 9. Naammagittaalliuutit suliarineqarneranni immikkoortortaqarfinni siulersuisuni ilaasortaq ataaseq (1) justitsministerimit toqqarneqartoq ilaatinneqartassaaq. Immikkoortortaqarfinni siulersuisut ataatsimoorlutik imaluunniit immikkoortortaqarfikkaarlutik suliaqarsinnaapput. Immikkoortortaqarfik sunaluunniit immikkoortortaqarfimmi siulersuisut siulittaasuanni imaluunniit siulittaasup tullianit siulersorneqartassaaq.

§ 10. Immikkoortortaqarfinni siulersuisuni immikkoortortaq ataaseq aalangiisinnaassuseqassaaq immikkoortortaqarfimmi siulersuisuni imaluunniit immikkoortortaqarfimmi ilaasortat ikinnerpaamik 2/3-ii najuutsillugit, tassani ilanngullugu ilaasortaq ataaseq justitsministerimit toqqarneqarsimasoq.

§ 11. Immikkoortortaqarfinni siulersuisut suliat suliarisassavaat ataatsimiinnertigut imaluunniit allakkatigut imaluunniit elektroniskiusumik tunngaveqartumik. Ullut ataatsimiiffiusussat immikkoortortani siulersuisut aalangiussimasaat malillugit ataatsimiittoqartassaaq imaluunniit piffimmi siulittaasup aalangiineratigut.

§ 12. Immikkoortortami siulersuisut suliamik suliarinninnissaanut kingusinnerpaamik piffissaliussaq Advokatnævni siulittaasoqarfiata aalajangertassavaa.

§ 13. Immikkoortortani siulersuisut ataatsimiittarneri tamanut ammasuussanngillat.

§ 14. Immikkoortortaqarfinni siulersuisut allakkatigut inassuteqaateqarsinnaapput tunngavilersuummik ilassusikkamik.

Imm. 2. Ikinnerussuteqartut qinnuteqaataat malillugu ikinnerussuteqarluni inassuteqaatigineqartoq sunaluunniit paasissutissanik imaqartinneqartassaaq, taakkunani ilaasortat aqqi taanngikkaluarlugit.

Kapitali 3

Peqataasussaatitaannginneq

§ 15. Suliap suliarineqarnerani Advokatnævnumut imaluunniit immikkoortortani siulersuisunut ilaasortaq kinaluunniit peqataasassanngilaq, ima pisoqarpat:

- 1) pineqartoq nammineq suliami inuttut immikkut ittumik imaluunniit aningaasaqarnikkut soqutigisaqarpat imaluunniit siusinnerusukkut suliaasimasumi taamatut soqutigisalimmut sinniisuusimappat,
- 2) pineqartup aapparalugu katissimasaa, qanigisaa imaluunniit ilaqtariiussutsip iluani illuatungeriit arlaanni ilaqaataappat imaluunniit allatigut qatanngutigisap qitornaanut qanigisatut imaluunniit qanigisatut allatut inissisimalluni, inuttut aningaasarsiornikkulluunniit immikkut ittumik suliap pileqqaarnerani soqutigisaqarpat, imaluunniit taamatut soqutigisalimmut sinniisuusimappat,
- 3) pineqartoq ingerlatseqatigiiffimmi, peqatigiiffimmi imaluunniit inatsisilerinikkut sinniisutut siulersuisuni peqataappat imaluunniit taakkununga qanittumik attuumassuteqarpat suliap pileqqaarnerani immikkut ittumik soqutigisaqartutut, imaluunniit
- 4) aamma pineqartup arlaannaanulluunniit attuumassuteqannginnera pillugu pisut nalornissutaalersinnaasut atuuppata.

Imm. 2. Imm. 1-imi taaneqartutut pissutsit atuutsillugit ilaasortap kialuunniit aalajangiisartuni imaluunniit immikkoortortani siulersuisuni siulittaasoq piaarnerpaamik ilisimatittassavaa. Suliap suliarineqarnerani ilaasortap kialuunniit peqataasinnaanera aalajangiisartut imaluunniit immikkoortortani siulersuisut allaffissornikkut inaarutaasumik aalajangiisassapput. Apeqqutip taassuma suliarineqarnerani aalajangiiffigineqarneranilu ilaasortaq pineqartoq peqataasassanngilaq.

Kapitali 4

Suliassanik Advokatnævnumut tunniussisarneq

§ 16. Kinaluunniit inatsisilerinikkut tamatumunnga soqutigisalik, suliassamik Advokatnævnumut tunniussaqaarsinnaavoq. Aammattaaq Advokatrådi aalajangiisartunut suliassamik tunniussisinnavoq.

Imm. 2. Suliassaq aalajangiisartunut tunniunneqartoq eqqartuussisarneq pillugu inatsimmi § 147 c, imm. 3 aamma 4, naapertorlugit pinngitsuutitsinermik kinguneqarsinnaasutut ilimagineqarpat, suliassaq aalajangigassanngorlugu Advokatrådimut saqqummiunneqarsinnaavoq suliami Advokatrådi ilaalernissaa pillugu.

§ 17. Pineqartumi siulittaasup inassuteqaataa malillugu naammagittaalliummut tunngatillugu pissutsinut inatsisilerinikkut pineqartup soqutigisaqartumit naammagittaalliuut Advokatnævni

tunuartissinnaavaa. Aamma taamatut pisoqassaaq naammagittaalliuutit pissusia malillugu aalajangiisartunit aalajangiiffigineqarsinnaanngippat.

Imm. 2. Naammagittaalliuut takuneqarsinnaasumik tunngavissaqanngitsutut ilimagineqartoq pineqartup siulittaasuanit inassuteqaat malillugu Advokatnævni tunuartissinnaavaa. Suliap piviusorsortumik suliarineqarnissaa pillugu aalajangiisartuni ilaasortaq kinaluunniit qinnuteqaateqarsinnaavoq.

§ 18. Aalajangiisartut naammagittaalliummik suliaqarnissaannut malittarisassat pillugit Advokatnævni allattoqarfia ilitsersuisuussaaq.

Imm. 2. Naammagittaalliuutit tunniunnissaanut killiliussaq ukioq ataasiuvoq. Advokatip pissusilersornera pillugu naammagittaalliuutinut piffissaliussaq naatsorsorneqassaaq piffissamit naammagittaalliummut tunngatillugu pissutsimik naammagittaalliuuteqartup ilisimatinneqarneraniit. Advokatip aningaasarsiassaa pillugu naammagittaalliuutinut piffissaliussatut naatsorsuutigineqassaaq suliame pineqartumi inaarutaasumi akiligassaq naammagittaalliuuteqartumut ilisimatitsissutigineqarneraniit.

Imm. 3. Tunniussinissamut killiliussaq qaangerneqarsimanera naammaginartumik tunngavilersorneqarsimatillugu naammagittaalliuut kingusinaartumik tunniunneqarsimasoq Advokatnævni suliarisinnaavaa.

Kapitali 5

Naammagittaalliuutit suliaq piareersarnissaa

§ 19. Advokatnævni allattoqarfiata suliaq Advokatsamfundip allattoqarfianit isumagineqartassapput.

Imm. 2. Suliap suliarineqarnissaannut aalajangiisartut ilitsersuisuussapput aamma pinngitsuu-titaaneq pillugu suliaq inassuteqaat ilitsersuisuussallutik. Ilitsersuutit taakkua aalajangiisartut nittartagaatigut tamanut ammasumik nalunaarutigineqassapput.

§ 20. Aningaasarsiassat pissusilersuutillu pillugit naammagittaalliuutit piareersarneqarneranni allattoqarfiup Advokatnævni ikiortassavaa.

Imm. 2. Allattoqarfiup isumagisassavaa suliap suliarinissaanut paasissutissat pisariaqartinneqartut pigineqarnissaat aamma misissuinissat pisariaqartinneqartut ingerlanneqarsimanissaat.

Imm. 3. § 17 naapertorlugu suliap aalajangiisartunit tunuartinneqarnissaanik ilimanaateqartumi allattoqarfiup advokatimut oqaaseqaateqaqqusineq qinnutiginnitsoorsinnaavaa suliaq suliaq siulittaasumut pineqartumut saqqummiutinngitsoorsinnaallugu, kingorna naammagittaalliuutit tunuartinneqarnissaa aalajangiisartunut inassutigisinnaallugu.

§ 21. Allattoqarfiup suliaq immikkoortortami siulersuisunut ataatsinut arlalinnuunniit saqqummiussinnaavaa.

Imm. 2. Suliaq tamatumunnga naleqqutinngitsutut nalilerneqarpat illuatungeriit suliame isumaqatigiisitsiniuteqarnissamut qinnuteqarnissaat allattoqarfiup kajumissaarutigisinnaavaa.

§ 22. Suliap aalajangiiffiginissaanut uppersaatiniik paasissutissanillu aalajangiisartut pingaartitaannik Advokatnævni pilersussallugu advokatit pisussaaffigaat. Suliap aalajangiiffiginissaanut pissutsit aalajangiisartut pingaartitaat pillugit oqaaseqaatinik saqqummiussinissamut aamma aalajangiisartunut nassuiaateqarnissaq pillugu aalajangiisartunik ataatsimiitsitsinissamut advokatit pisussaaffeqarput.

Imm. 2. Takunnissimasutut peqataannginnissaq pillugu eqqartuussisarneq pillugu inatsimmi malittarisassat naapertorlugit imm. 1 malillugu advokatip pisussaaffia killilerneqarsinnaavoq.

§ 23. Advokatrådi naammagittaalliummik tunniussaqaartillugu, rå dip advokati toqqarsinnaavaa unnerluussisutut suliaqaqqullugu.

Imm. 2. Suliani advokatitut suliaqarnissamut advokatip piginnaatitaanerani akuerisaannginnissaa pillugu apeqquserneqarsinnaasuni, tak. eqqartuussisarneq pillugu inatsimmi § 147 c, imm. 3 imaluunniit Advokatselskabimi aktianik imaluunniit piginneqataassutini pigisaqarnissamut inuit taaneqartut piginnaatitaaneranni eqqartuussisarneq pillugu inatsimmi § 124, imm. 3, nr. 2-mi akuerisaajunnaartussat ilaat, tak. eqqartuussisarneq pillugu inatsimmi § 147 c, imm. 4, Advokatnævni illersuisoq toqqassavaa, suliassiissutigineqartup nammineq illersuisussamik toqqaasimanngippat.

Imm. 3. Unioqqutitsisimaneq pillugu suliani allani illersuisoq aalajangiisartut toqqarsinnaavaat.

Imm. 4. Naammagittaalliutigineqartup soqutigisaasa isumaginissaanut, tamatumunnga pisariaqartitsisoqarsorinarpat, Advokatnævni advokati toqqarsinnaavaa.

Imm. 5. Advokatinut imm. 1-4 naapertorlugit toqqarneqarsimasuni aningaasartuutit il.il. aalajangiisartunit annertussilerneqassapput aamma Advokatsamfundimit akilerneqassallutik. Taamaakkaluortoq suliani imm. 2-mi taaneqartuni Advokatnævni aalajangersinnaavaa illersuisussatut toqqaasumut aningaasartuutit tamarmiusut ilaannaalluunniit illersuisussamik toqqaasumit akilerneqassapput.

§ 24. Siulittaasup pineqartup aalajangersinnaavaa, illuatungeriit imaluunniit takunnissimasut illoqarfimmi najukkaminni eqqartuussivimmit killisiorneqassasut.

Kapitali 6

Suliamik aalajangiineq

§ 25. Advokatnævni suliasat suliarisassavai ataatsimiinnertigut, allakkatigut imaluunniit elektroniskiusumik tunngavilimmik.

Imm. 2. Siulittaasup pineqartup nammineq iliuuseqarnermigut imaluunniit suliami illuatungeriit qinnuteqarnerat malillugu suliami illuatungeriit aalajangiisartunut ataatsimiigiqqusinnaavai nassuiaateqartillugillu. Tamatumunnga piffissaq atorneqartussa aalajangiisartut aalajangissavaat.

Imm. 3. Unioqqutitsisimaneq pillugu sulianik aalajangiisartunut ataatsimiigiarnissamut illuatungeriit piginnaatitaaffeqarput.

Imm. 4. Siulittaasup pineqartup akuersissutigisinnaavaa inuit allat aalajangiisartunut nassuiaateqarnissamut aggersarneqassasut.

§ 26. Advokatnævniþ ataatsimiinnissai tamanut ammasuunngillat.

Imm. 2. Unioqutitsisimaneq pillugu suliami advokatip naammagittaalliutigineqartup piumasarisinnaavaa, suliap suliarineqarnerani innuttaasut najuunnissaat, tamanna pisariaqanngitsumik kannngutsaatsuliornissamik kinguneqassangatinneqanngippat. Aalajangiisartut aammattaaq innuttaasut najuunnissaat akuersissutigisinnaavaa, suliaq innuttaasunut soqutiginaateqarsorineqarpat aamma innuttaasut najuussinnaanerit pisariaqanngitsumik kannngutsaatsuliornissamik kinguneqassasorineqanngippat. Aalajangiisartut aalajangiinissaat tamanut ammasuungilaq.

§ 27. Advokatnævniþ aalajangiisarneri nalinginnaasumik amerlanerussuteqarnikkut pisassapput. Taasinerit naligiitsillugit siulittaasup taasineri atuutsinneqartassaaq.

§ 28. Advokatnævniþ aalajangiinera allaffissornikkut oqartussaasunut allanut suliassiissutigineqarsinnaanngillat.

Imm. 2. Unioqutitsisimaneq pillugu suliani Advokatnævniþ aalajangiinera advokatimit pineqartumit suliakkiutigineqarsinnaavoq imalluunniit eqqartuussisarneq pillugu inatsimmi § 147 d aamma § 147 e naapertorlugu eqqartuussivimmut tunniunneqarnissaat qinnuteqaatigisinnaavaa.

§ 29. Advokatnævniþ aalajangiineri pisassapput allakkatsigut tunngavilersuummillu ilaqartinneqartassallutik.

Imm. 2. Taasisitsinermi allatut isumaqarsinnaanerit pillugit paasisutissanik aalajangiineq ilaqartinneqassaaq, ilaasortat pineqartut aqqi taanngikkaluarlugit. Peqatigitillugu taasinerit agguataarneqarnerat allanneqassaaq.

Imm. 3. Unioqutitsisimanermut tunngasuni suliani aalajangiisartut aalajangiineri eqqartuussivimmi misilinneqarsinnaaneq pillugu paasisutissanik ilaqartinneqassapput tamatumani piffissalioq aalajangerneqarsimasoq ilanngullugu.

Imm. 4. Aalajangiisartut aalajangiinerat suliami illuatungeriinnut aamma Advokatrådimut nassinneqassapput. Unioqutitsisimaneq pillugu suliani aalajangiisartut aalajangigaat aammattaaq Justitsministereqarfimmut nassinneqartassapput.

§ 30. Advokatnævniþ piunaffigineqarnermigut naammagittaalliut suliareqqinneqassasoq aalajangersinnaavaa, tamatumunnga immikkut ittumik pissutissaqarpat, tassani immikkut ilanngullugit paasisutissat nutaat pingaarutilillu pilerneranni aalajangikkap allatut inerneqarnissaanut aqqutissuisinnaanerit naatsorsuutigineqarpat.

Kapitali 7

Atuutilersitsineq

§ 31. Nalunaarut atuutilersinneqarpoq ulloq 24. januar 2008.

Imm. 2. Peqatigitillugu Advokatit aningaasarsiaat pillugit naammagittaalliutit Advokatkredit siulersuisuinit suliarineqarnerat pillugu aamma Advokatnævniþ ikuuttarneq pillugu nalunaarut nr. 284, 22. juni 1983-imeersoq aamma Advokatnævniþ suliai pillugit nalunaarut nr. 188, 21. marts 2002-meersoq atorunnaarsinneqarpat.

Kapitali 8

Ikaarsaariarnermut malittarisassat

§ 32. Advokatip suliaminut aningaasarsiassatut piumasarisai pillugit naammagittaalliuutit, nalunaarutip atuutilinnginnerani tunniunneqarsimasut, malittarisassat maannamut atuuttut malillugit naammassillugit suliarineqassapput.

Justitsministereqarfik, 17. januar 2008

Lene Espersen

/ Birgit Thstrup Christensen